

CONCELLO DE PONTECESO
Rúa Concello, 18
15110 Ponteceso (A Coruña)**RESOLUCIÓN DE MEDIDAS A ADOPTAR NOS CENTROS DE TRABAJO DEPENDENTES DO
CONCELLO DE PONTECESO CON MOTIVO DO COVID-19**

A situación xerada pola evolución do coronavirus COVID-19 supuxo a adopción de medidas de contención extraordinarias polas autoridades de saúde pública que inclúen, entre outras, o posible peche de centros educativos e de atención a maiores. Adicionalmente requírese a adopción doutras medidas que aúnen a protección da saúde das empregadas e empregados públicos coa adecuada prestación dos servizos públicos.

Os centros de traballo deben coñecer os protocolos e procedementos de saúde pública do Ministerio de Sanidade para poder manter a continuidade da actividade coas garantías suficientes. O pasado día 9 de marzo enviouse ao persoal o procedemento de actuación ante o coronavirus Sars-Covid 19.

No devandito marco, e en atención ás medidas adoptadas polas autoridades sanitarias, faise imprescindible, en aras de garantir a prestación dos servizos públicos, a aprobación da presente Resolución con carácter extraordinario.

As presentes medidas de carácter organizativo, ditadas ao amparo das competencias en materia de dirección da administración municipal e dos servizos, así como as de persoal que me atribúen as disposicións legais vixentes, terán o carácter temporal que determinen as indicacións das autoridades competentes.

As previsións contempladas na presente Resolución establécense sen prexuízo da suxeición de todo o persoal ás necesidades do servizo e da súa disposición, cando se lles requira, para a prestación dos servizos públicos encomendados aos distintos servizos da administración municipal.

Polo que no uso das atribucións que me outorga a lexislación vixente

RESOLVO**Primeiro.- Situación de illamento.**

Arbitraranse as medidas necesarias para que o persoal ao servizo do Concello de Ponteceso que poida atoparse na situación de illamento por motivo do COVID-19, continúe percibindo durante o tempo que permaneza na devandita situación o cento por cento das súas retribucións.

Segunda. Medidas polo peche de centros educativos ou de maiores.

Para o persoal ao servizo do Concello de Ponteceso que teña ao seu cargo menores ou maiores dependentes e véxase afectado polo peche de centros educativos ou de maiores, serán de aplicación as seguintes medidas, polo tempo que as autoridades competentes determinen e de acordo coas instrucións dos seus respectivos órganos de persoal:

- Flexibilización da xornada laboral sen suxeición aos límites previstos na Resolución do 28 de febreiro de 2019, da Secretaría de Estado de Función Pública, pola que se ditan instrucións sobre xornada e horarios de traballo do persoal ao servizo da Administración Xeral do Estado e os seus organismos públicos, aplicada subsidiariamente a este concello.
- No caso de que sexa imprescindible, permitirase a permanencia do persoal no seu domicilio, tendo a consideración de deber inescusable de conformidade co disposto no artigo 48 j) do texto refundido da Lei do Estatuto Básico do Empregado Público.
- No caso de que ambos os proxenitores ou responsables do maior dependente teñan a condición de persoal ao servizo da Administración Municipal, non poderán gozar destas medidas simultaneamente.

**CONCELLO DE PONTECESO**Rúa Concello, 18
15110 Ponteceso (A Coruña)**Terceira. Atención ao público.**

Nos servizos de atención ao público priorizarase a atención telefónica e telemática, a atención presencial non se realizará desde o día 13 de marzo, sendo só o Rexistro Municipal aos efectos de presentación de documentos dirixidos a calquera das Administracións Públicas. Para o caso da atención presencial, estableceranse, se fose necesario, as quendas imprescindibles para garantir a prestación do servizo.

Cuarta. Reunións.

Na medida do posible evitaranse as reunións de traballo, dispoñéndose en todo caso a suspensión daquelas que impliquen desprazamentos a outra localidade. Así mesmo fomentárase o uso da videoconferencia.

Quinta. Cursos e actividades formativas.

O persoal que se encontre asistindo a cursos e actividades formativas de carácter presencial pospoñerán os mesmos, valorándose a utilización de medios telemáticos como alternativa, cando iso resulte posible.

Sexta. Viaxes.

Recoméndase pospoñer todas aquelas viaxes de traballo que non sexan imprescindibles para a normal prestación de servizos esenciais.

Oitava. Modalidades non presenciais de traballo.

Para garantir a prestación dos servizos considerados esenciais, Secretaría, Intervención, Tesourería e Coordinación Xeral, os titulares dos mesmos prestarán os seus servizos de forma telemática, non presencial, estando a dispor desta alcaldía.

En supostos debidamente xustificadas permitirase modalidades non presenciais de traballo, estando previsto que se o rexistro municipal non se poidera atender presencialmente o mesmo se deberá prestar telemáticamente, ao igual que os servizos técnicos municipais, contratación, e servizos sociais.

Novena. Reorganización de quendas.

Se como consecuencia dos supostos previstos nesta Resolución fose necesaria a reorganización de quendas, cada departamento dentro do seu ámbito organizativo propoñerá a determinación dos mesmos.

Décima.- Suspensión provisional de sesións públicas.

Para preservar tanto a saúde dos traballadores, como á propia Corporación, e a do público asistente, como medida excepcional desde o vindeiro luns, día 13 de marzo, as sesións que celebre a Corporación non serán públicas.

Undécima.- Peche preventivo de centros municipais.

Como medida preventiva os centros dependentes deste Concello, Biblioteca, Museos, Pavillóns de Deportes e demais centros municipais estarán pechados ao público desde o día 13 de marzo.

Duodécima.- Suspensión de actividades culturais e deportivas.

Como medida preventiva desde o día 13 de marzo suspenderanse todas as actividades culturais, deportivas, as dirixidas á terceira idade que ven a organizar o concello.

Décimo terceira.- Comité de Crise.-

concello@ponteceso.r



Tel.: 981 71 40 00
Fax: 981 71 50 28
E-mail:

CIF: P1506900H
REL : 01150682
RELG.: MU 2000/15

CONCELLO DE PONTECESO
Rúa Concello, 18
15110 Ponteceso (A Coruña)

Por mor da alerta sanitaria esta alcaldía asumirá directamente as competencias en Emerxencias, Seguridade e Protección Civil, así como as relativas á Sanidade. Para garantir o funcionamento deste comité o mesmo estará presidido polo alcalde e formarán parte os membros da Xunta de Goberno, substituíndo, no seu caso, ao alcalde pola orde de nomeamento.

Décimo cuarta.- Seguimento.

O Comité de Crise poderá modificar e adoptar outras medidas no cumprimento do interés xeral e da saúde da poboación, en función da evolución da propagación do Covid 19, seguindo as instrucións e ordes emanadas tanto do Goberno do Estado como da Administración Autonómica.

Undécima. Efectos.

A presente Resolución producirá efectos desde o momento da súa sinatura e terá vixencia ata o día 27 de marzo, e poderá ser prorrogada no caso de necesidade, e publicarse na sede electrónica, web municipal e taboleiro de anuncios, e darase conta ao Pleno na vindeira sesión ordinaria que se celebre.

Ponteceso, 13 de marzo de 2020.

O alcalde

Xosé Lois García Carballido.

(FECHA: 13/03/2020 10:07:00)

(FECHA: 13/03/2020 10:04:00) , Emilio Cainzos Quintás

(FECHA: 13/03/2020 10:04:00) , Emilio Cainzos Quintás

FIRMADO POR Xose Lois García Carballido (FECHA: 13/03/2020 10:04:00) - Fecha de decreto: 13/03/2020

Decreto N°: 171/2020 - Fecha de decreto: 13/03/2020
Versión imprimible

CVD: bR65gva7AGYyDDHpUIkm
Verificable en la Sede Electrónica del Organismo.